

temporalium cursum prosperum, Etsi enim anno præterito nihil quidquam e Gallia nobis allatum sit, abundamus tamen adhuc, et superabundamus. Itaque ex his omnibus colligi potest, res nostras satis bene procedere, quæ est maxima Dei gratia.

Ex altera vero parte multa et magna sunt omnino quæ non solum res nostras impediunt, sed quæ etiam totius missionis ruinam videntur minitari. Istorum vero alia sunt nobis cum omnibus huronibus communia, nempe hostes quos vero nomine Iroquenses vocamus qui partim vias occludunt et commercia impediunt, partim frequenter strage regionem hanc devastant, denique timore omnia complent. Alia autem impedimenta sunt nobis omnino propria nempe quorumdam huronum infidelium in nos odium, quod adeo excrevit ut paucis abhinc diebus unum ex domesticis nostris occiderent, idem in nos præstituri, si se occasio dedisset. Verum hæc postrema impedimenta. Deus jam vertit in bonum et abunde ab omnibus huronibus nobis pro perpetrato homicidio satisfactum est, ex eoque tantum abest ut aliquid detrimenti fides acceperit, ut potius inde excreverit, adeo verum est diligentibus Deum omnia cooperari in bonum: Idemque de reliquis omnibus impedimentis futurum esse confidimus: Si enim Deus pro nobis quis contra nos.

Unum est omnino quod imprimis me sollicitum habet et de quo unico R. P. Ragueneau me voluit, ut puto, scribere, nec vero præ modestia aut potuit aut